

浮山縣志卷之二十三

孝義

曰孝曰義百行之微自經史傳記與夫

國家訓典胥諄切告誡為其為民彞風化之原也浮俗淳

良篤孝敦本者頗羸義舉尤欣欣樂赴蓋沐浴

聖化者深矣凡堪為子弟鄉里範者悉書以示勸焉志孝

義

明

浮山縣志

卷之二十三

孝義

一

陳俊 節婦郭氏遺腹子痛父死王事母孀居日慈烏反哺羊羔跪乳知人不如物乎自是朝夕拜母

食必親供宗郇稱之卒年九十二孫攷官布政

蓋文卿 性謹厚多善行嘉靖間臨汾楊林因醉遺金四

符所獲悉還之楊敬禮終身子三紹仁以明經任臨响丞有賢聲紹義紹智屢薦賓筵世濟厥德

齊一本 邑北南王村人少孤孀母柏氏失明一本力田奉養終身無怠族伯思明老而無子一本生養

死葬胥盡禮焉邑侯劉伯綬高其誼表之日孝順存心謙恭持行至於農業無幾而恤孤寡賑貧乏尤人

所難者生子三國彥國賢國才俱入庠

蓋大綬 家富饒好施予每歲暮出粟麥百餘石以贍里黨之貧乏遇寒士率餽以金每歲皆然從無德

色萬歷丙戌斗粟千錢大綏與許龍協力濟饑邑以茂德數舉鄉飲賓筵

周

瑞邑千總父家後得嘔血疾百藥不效瑞焚香願天割股沸湯飲之父病尋愈邑侯旌其門有人

子之愛親固天倫之恒事而傷身以見志亦人情之所難等語

許

龍字雲岡世以農事起家天性溫良丰儀魁碩平生樂善好義萬歷丙戌歲歉斗粟千錢邑民餓

殍相望龍出粟千石賑饑賴以全活者無算七舉賓筵邑令給扁以旌其善子州尹遊泮食餼為當時名

士譽望崇高克光洪緒

楊居森

居邑北之楊村河世有令德祖億連姻于平陽潢胃資產殷豐萬歷中與蓋君大綏許君龍太

學陳君萬年翰粟濟饑謂之四大家居森性行高曠克光世德暨弟昌森胥為鄉里推重焉

浮山縣志

卷之二十三

孝義

二

楊昌森

居森之同母弟也風度冲和友于兄弟全天性之愛愜華萼之情年未知命即以茂德陟賓筵

楊春洽

崇正間大荒流民饑死者遍野施蓆歛之

蓋祿養

字君儲禮部儒士性剛直寡言笑家無儲蓄尤好施予見饑寒者輒衣食之見死者輒殮埋

之鄰里胥稱其德課子姪輩誦讀凡採芹者八人

喬登俊

邑西街人性仁惠崇正辛巳歲歉解推以周貧乏比閭族黨間咸倚賴之涇陽李孝遺金於道

俊拾而還之人稱其德壽至八旬五薦賓筵稱希遇焉

葛勛元

仁惠好施世居縣北南王村崇正未巡東道李公日焜暨府廳張秘諸公挈家百餘口避難南

王堡勛元納而館之供給不闕事平諸公酬以金卻弗受順治丙申遭旱出粟賑饑全活甚眾又捐貲建

衙署窮民李信被罪解  
橐遺之遠近胥稱其德

國朝

侯于楚

字方城少負義俠順治六年流寇猖獗賊眾乘  
夜蜂擁入城劫掠官署邑侯王公廷佐勢急踰

城墜壕棘刺滿身赤足伏地適于楚護母崔氏避賊  
行至北郊見公困苦狀負公而走賊至楚奮力向前  
奪其器械賊不敢近其母諭之曰賊若再至奈何寧  
撤我無令傷公楚度勢難兩全先負公趨至北閣村  
及回迎母賊果追至磔其母於中途楚見母屍痛哭  
幾絕誓不共戴王公親為祭奠旌以陵母遺烈又酌  
楚金帛辭不受每思報讐雪恨惜悲哀過甚病數年  
而卒里人至今稱道不置

張

鏗字鳴瑜性倜儻重義氣凡遇鄉黨困乏商賈缺  
貨率傾囊貸之邑人多受其利己丑之變道鎮

浮山縣志

卷之二十三

孝義

三

兵數千詣浮剽賊時倉廩懸竭官民恟懼鏗出粟數  
百石以餉軍卒賴以贍有岳陽掾張朝雨虧折官銀  
追比垂斃鏗出百餘金保全其命事平還報無所受  
其他急公好施不一而足義聲著遐邇

侯

讓義官侯維新之子少孤事孀母色養不倦每遇  
母病日夕侍側未嘗少離及母卒晝夜悲哭殯

葬悉遵古禮鄉黨稱為孝子奉  
旨旌表給帑建坊祀忠義孝弟祠

張

玉熙豐里人幼喪父事孀母以孝聞承歡色養定  
省問視至老弗懈順治六年流寇猖獗殺擄逞

威其母聞之心驚力軟玉負母逃於僻所採取山果  
野蔬充饑寇退歸閭母語人曰我非子無以至今日

玉亦泣曰子非母豈有今日乎母逝竭力殯葬棄妻  
子廬墓三年每遇雷雨即跪塚前泣告日兒在此母  
勿驚里人僉稱為孝子順治十七年巡按白公題准  
奉

旨建坊旌表祀忠義

孝弟祠

張

鏜

字鳴珂居邑之諸葛村昆弟五人鏜居其次性孝友幼時母為製新履珍惜不肯輕着人或問

之曰吾兄弟多敢以一履重勞吾母經營耶胞姪以人命繫獄禍幾不測鏜破資萬金力為營救因得釋從此家業蕭索並無嗟怨語每逢播種時各鄉無籽種者悉散給之收獲畢總不計利各相爭償恐後几里中有婚葬無力及饑寒無倚者率多賴其周濟鄉黨德之至今道及尚有感泣者

周家鼎

世居邑之東門沉靜寡營與物無競父館為明時耆碩有鄉望家鼎克循遺範弗替家聲孝友

睦嫻動合規度失配二十年不復娶有古君子風兄家胤好施而未有子當彌留時欲以千金家產畀之辭弗受俾分給宗支之困乏者人皆嘉其能讓有司以茂德堪型匾其門年甫六袞榮膺賓典者三次雅

浮山縣志

卷之二十三

孝義

四

譽清規光

字榆里

侯

諗

世居邑北街性公平好惡是非一歸於正鄉鄰有過輒面斥之民有爭訟每咨其講說輒平情

區處不令涉公廷邑令旌其賢平生敦本業鮮交遊友愛兄弟相好無尤年登八旬事繼母恪供子職闔學舉賓筵每以德薄力辭弗獲始強從焉

周

鐸

字小田德行茂著孝友温恭人多親愛數陟賓筵識與不識無不稱為長者壽百齡子邦彥克

盡孝道風徽卓越亦其積慶之所鍾也

喬廷秀

字帝梁增廣生賦性淳朴事親以孝聞居鄉恂恂善下邑令旌其賢孝精舉子業歷試不第年

未四十遂絕意進取隱居北鄉之阿足不履城市者二十年浮邑久不發科孫昌齡登壬子鄉薦咸謂積

善之  
報云

齊至盛

字鳴吾邑北南王村人冲慧知書賢達有令望  
僑寓郡城輸金助關城之役宗族在浮者蠲數

百金以資緩急毫無德色貿易淮揚間出入均平公  
私稱便尤好義推賢喜交當世知名士儀真諸生有  
英俊而孤寒者率餽膏火以成其業名譽浹於遐方  
子人龍克繼父志撫遺腹庶弟人瑞至於成立貲產  
均晰鄉黨多之

周

珣字宗燹廩貢少孤寒奮志詩書事孀母姜克盡  
孝道撫二弟肅雍式好凡日用婚娶一切皆身

任之戊申歲以德行見推學使徐公獎勵優渥有克  
敦孝友有光學校之褒

衛鳳翔

字覽輝邑庠生仁而好施姪九錫少孤翔撫如  
已出甥衛聖望幼失怙母老而貧翔移母子同

浮山縣志

卷之二十三

孝義

五

居綜理家計迨成立始遣歸里族弟鳳樓居臨汾家  
貧將客西秦翔招之歸分宅而居為置產業教其子

讀書有成邑人  
咸稱其義云

朱洪采

武庠生家貧寒重義氣叔朱衣點挾其子正采  
寓臨汾地震被壓死維時浮亦同日地震死傷

相枕籍皆屏息不敢出洪采聞之立往汾邑出尸敗  
垣中負以歸葬有幼弟亮采甫三齡洪采卒撫有成

張印昌

邑東張鎮人事親先意承顏敬養備至父母相  
繼歿倚廬墓側朝夕號泣邑中咸稱為孝子云

張淑說

字蓋公邑增生苦志潛修甘貧守道性篤孝值  
父染疾延醫不效因棄儒業專心岐黃檢得良

方父病尋愈兄弟八人說居長式好無尤鄉黨稱之  
邑侯盧公贈匾曰橘隱遺叟又曰孝友為政

侯一傳

字範宗德行生員侯緒業子也世居北門天性  
仁孝家貧親老孩提時即識體親心和悅承顏

以娛暮景稍長讀書勤敏不事嬉遊出必告反必面  
後父得目疾失明傳年方十三扶持左右者九年嘗  
虔禱神前祈父目重明願以身代目疾果愈人皆以  
為孝感所致值父疾篤親治湯藥衣不解帶及歿日  
夜悲號哀毀骨立既葬每日詣墓痛哭抑鬱成疾相  
繼而卒家人於枕傍拾得一紙有親面何時見恨不  
早黃泉之句里人稱為孝子乾隆九年奉  
旨旌表給帑建坊祀忠義孝弟祠

### 汪衍長

字海若號東園歲貢為人長厚教授生徒誘掖  
有方成名者甚眾一日赴縣完糧見有被枷者

詢知以欠糧故素不相識即將已銀與之代為完項  
後其人感德赴謝方悉其姓名鄉黨義之稱為長者

### 衛子瑗

字玉田邑庠生仁厚孝友事繼母如本生康熙  
辛未蝗蝻為災鄉民苦無菽種瑗盡出所有百

餘石遍給布種不足又破囊購買與之是歲菽得豐  
收全活甚眾里人以房址訟於官雨造彌月弗息瑗

## 浮山縣志

### 卷之二十三

孝義

六

出已地一段令築室訟乃平橋梁廟宇有廢墜者率  
先補葺多士欽崇舉延介賓壽邁古稀終蓋棺後義  
聞不  
衰

### 楊瑄

字玉振個儻不羣仗義疎財友愛弟姪獨力經  
營房產財物不以自私胥分散弟姪鄉人義之

### 張翼舒

字扶垣候選二尹少失怙事孀母極孝色養備  
至周濟貧乏捐修城垣凡創建廟祠鋪砌道路

不惜重貲協力成之邑西河橋及梁村溝橋遭水衝  
決民以病涉為憂首倡捐修并建茶亭以濟行者人

稱便  
焉

### 李臨鵬

字翺冲父母歿時弟方孩提臨鵬友愛甚摯長  
令讀書遊泮歷年經營財物從無私蓄悉以分

弟鄉人  
義之

齊昌

字魁生鴻臚寺序班鳴珩孫世本書香家貧躬耕自給恂恂清介有儒士風事繼母張氏無異本生母染病三載焚香祝額願以身代母尤鍾愛之易簣時以所存二百金私遺之昌不以自私與兄均分鄉里以孝友可風旌之

王

政字正字勤儉自守待弟極其友愛在外經營數十年所積貲財盡數給弟并不以私其子鄉人之義

之義

賈

涇左村人與弟渭友愛倍至自幼至老寢食與其朝夕歡聚出入必偕嗣均失偶終身不再娶兄

沒後其弟憂思慘悲數日內相繼而卒

齊燕孟

思貢鳴嚶三子事繼母秦氏克供子職處兄弟四人敦篤友愛鄉里有相競者輒直言不諱必

浮山縣志

卷之二十三

孝義

七

剖辨其是非曲直村人化之四十餘年不聞成訟又施地以為義塚窮人之死葬無歸者多沾其惠邑侯

盧公旌其門日邦之司直

張連升

字子擢邑庠生居心仁厚孝友性成事繼母如本生一切喪葬獨任其事友愛昆弟成就功名

屢為鄉里排紛解難人多賴之

張鴻舉

字遵渚少恂謹熟治孝經論語父背時年九歲擗踊號泣儼如成人事伯叔奉教惟謹事繼母

崔愛敬脩至二十餘年從無惰容崔病泣禱愿以身代煮粥煎藥日夜不暇寢居喪哀毀如禮內外皆以

孝稱無間言

柏青秀

字芳宇性慈祥事孀母色養脩至友愛兄弟有怡怡氣象更為代置田地以足養贍凡與人言

必諄懇以勤儉立家為務親炙其訓者率多豐裕  
家閭里爭辯是非輒詣秀求直數言立解卒年八十  
有四鄉黨德之

**楊 珩** 字璞珍 昌森次子 邑附監生 候選縣二尹 世居  
楊村河生而岐嶷克繼父志式廓門閭性篤友

愛昆仲無間言鄉鄰有忿爭者質之珩是非立判人  
服其公康熙三十年蝗蝻為災粟米騰貴村中乏食  
珩出粟散給全活甚眾義聲震於遠邇焉

**蓋帝臣** 字簡心 少孤事孀母以孝弟早逝撫育孤姪與  
子無異經營數十年建置房產悉與姪均分並

刻字梁木諭令諸子勿得  
異日有所侵奪鄉人義之

**張體正** 字友端 孩提時即識孝友凡遇新鮮食物必先  
奉父母次及諸兄然後取食稍長體卹奴僕遇

浮山縣志 卷之二十三 孝義

大雪嚴寒諭黎明造飯令其飽煖方行驅使年十九  
忽染疾不起臨歿時晝夜涕泣恨今生無以報二親  
劬勞之思 邑人惜之

**齊 頊** 監生 鳴嚶孫 世居邑北南王村 性最謹厚 好濟  
貧乏 康熙六十年連遭荒歉 捐輸銀粟 救濟窮

人見有死葬無資者即買棺給銀使殯葬之總憲朱  
公放賑平陽特加旌獎 邑侯陸公旌其扁曰尚義賑  
窮及卒鄰里老  
幼皆感歎泣下

**侯克節** 字信齋 廩貢 居家孝友 持躬廉介 凡族黨有爭  
多方排解 兄弟堅欲另爨 不得已許之 讓兄弟

擇取其優者而以劣者歸 已鄉黨義之 任永濟訓導  
勤於課士 取與不苟 後歿於官 諸生咸愛戴焉

**韓國琦** 監生 遭繼母之變 母逐其妻子 至於失所 國琦  
益盡子職 色養畢 至任母 百般勞苦 脩極艱辛



從無怨懟時人  
比之舜孝云

**楊**

端字羽範邑增生事親孝母患瘡甚危虔禱於三  
私蓄且居鄉長厚絕跡公門里閉有忿爭極力排解  
剖析是非時有非理與人雀爭者恐端不肯附會晚  
人許賄二百金端嚴厲叱之教授生徒愷切訓導絕  
不計館金有族姪顯祖病垂危子鵬翔甫十歲托孤  
於端端慨然自任後教訓入泮鵬翔感恩具金以報  
端作色堅卻不受康熙六十年荐饑戒膳捐米佐賑  
邑侯陸公給匾旌之嗣朱學憲按臨公舉優行特加  
旌獎

**郭明璧**

世居邑之新城村性醇厚克恭厥兄已商於外  
所得贏餘悉供給其兄以資讀書卒獲成名待  
子姪以禮和藹  
一庭終身無間

浮山縣志

卷之二十三

孝義

九

**喬三月**

年十五路拾金二十餘兩不以入已遍訪銀  
主詰其數符還以與之邑令以花紅旌獎之

**喬東臯**

字澤三世居城內喬家巷性純篤端慤峭直不  
脂韋隨俗讀書養親不慕榮利嘗得抱朴子金  
匱集讀之有悟遂精岐黃術里有危疾一經診治無  
不立起活人甚眾父健亭久病乃徧究醫術得奇方  
需人骨肉一節和藥食之可瘥乃操利刃斷一指和  
藥以進父疾遂瘳家貧甚以醫游燕趙間冀獲贏餘  
供菽水逾年歸而親已歿伏棺哀號慟不欲生葬後  
日侍父母神牌孺慕之泣無間晨昏鄉里莫不異口  
同聲咸嘖嘖  
稱為孝子云

**衛朝宰**

邑南小衛村人家小康自奉儉約而樂善好施  
鄉鄰有貧乏者無不傾囊調卹有古義俠風里  
黨咸  
稱之

陝國勝

字隆煥東二里村人以耕讀傳家性孝友五世同居未分爨舉族百有餘口內外井井無間言

家素封積粟數千石乾隆間歲值歉收隣近十餘村凡乏食者皆就其家貸粟無不慨然應之其貧而不能償者悉焚其券以是得長厚名年九十六無疾而逝以孫貴馳贈儒林郎

秦秉直

字古愚號竹溪邑之東關人幼嗜詩書有聲庠序父嘗客潁歲往省視恒僕僕道路間未獲卒

舉子業遂援例納貢以州同候銓父病日夕侍湯藥衣不解帶者數月父卒於潁扶柩歸喪葬盡禮創議建立家祠俾春秋有蒸嘗地東嶽廟舞亭傾毀不惜重貲復營造生平尤廉隅自守寬厚待人族黨中有貧不舉火及不能葬親者傾囊助之遇子姪輩時以讀書敦行相勸勉有游泮即贈以青衿資首拔者倍焉由是舉族多奮勉成就者數十人嘉慶丁卯冬拾遺金數百於道訪知為周氏售產之資遂攜金還諸

浮山縣志

卷之二十三

孝義

十

其家鄉里稱長厚咸推重焉

張致中

世居城內進士巷年甫成童即廉隅自守非義不取道光庚寅秋於花園坡路旁拾得千金訪還失者酬以百金辭不受時高郵夏公寶晉為邑宰賢之上其事於臺司撫軍徐公方伯葉公均深嘉許由司發給銀五十兩並予拾金不昧扁以旌其閭

許萬盛

字新暢邑北鄉杏林村人援例納粟得布政司理問銜性謹愿重然諾持已儉約不事華麗然勇於任事慷慨好施與家不中貲而樂善不倦見義必為鄉里族黨咸翕然稱之道光壬寅癸卯間省北連歲荒歉飢民徧野撫軍方伯檄飭省南各屬勸捐以拯災黎乃慨然樂輸金助賑時杜公詹知縣事為詳其事於上臺中丞梁公萼涵極深嘉許遂頒給樂善好施扁額以獎之

李汝和

字悅菴號藹亭邑東楊家坡人援例得布政司經歷銜性敦厚友于甚篤家貧經商於單遂漸小康親黨中有顛連在外者助貲使歸前邑侯方公借負千餘金解組後莫能償悉焚其券復贈以川資俾得南旋人多義之子杜由附貢報捐縣丞分發山東薦升知縣

張午陽

字麗中號赫軒世居城內幼失恃依繼母成立孝事繼母如所生侍母疾不解衣帶者百餘日至蝨徧緣衣領間不自知也弱冠屢應童子試不售改業為商賈游於直隸天津府襄理鹺務遂納粟成均後遵籌餉例議敘入品銜准以縣丞用曾於天津城外三义河口倡立救生會歲拯墮河者無數復出貲冬舍綿衣設粥廠彌月多行善事有貧無以殮者憐其暴露施給棺木俾得殯埋又有張篤益者父母死乏葬地停柩數十年乃為營葬買義地以殯之性警敏精通大六壬解繪事專工畫馬年八十餘猶能

浮山縣志

卷之二十三

孝義

十一

作蠅頭書生平持己端方待人和厚終其身無一字入公門鄉里重之有手著六壬輯註六卷存於家未梓子森邑庠生